



Warbixinta

Wax-qabadka Kal-fadhigii 6^{aad} ee Golaha Wakiillada

23 July 2023 illaa 30 August 2023

December 2023

TUSMADA WARBIXINTA

HORDHAC	4
WAX-QABADKA KAL-FADHIGII 6^{AAD}	6
<i>Warbixinadii Golewaynaha laga hor akhiraay</i>	6
<i>Waxyaabihii Goluhu ka dooday</i>	6
<i>Masuuliyiintii Qaran ee Xilalkooda Goluhu Ansixiyay</i>	6
<i>Mashaariicda Sharci ee Golaha horyaal</i>	7
GO'AAMADII GOLUHU GAADHAY	8
WAX-QABADKA GUDDIYADA GOLAHA	9
Tababaradii iyo Aqoon-korodhsiyadii	13
SAFARADII DALKA DIBADDIISA	15
WUFUUDIHII IYO MADAXDII KALE EE GOLUHU LA KULMAY	17

ARRAAR

Mudanayaal.

Si aynu u gudano hawlaha inoo qorshaysan kal-fadhigan 7^{aad} ee iminka aynu galnay isla markaana aynu u dardar galino, una dhameystirno hawlahii inaga baaqdey kal-fadhigii hore oo aanu Goluhu Shaqooyin badan qaban, isla markaana ajandaha kal-fadhigii hore intiisii badnayd isagoon dhamaan kal-fadhigu xidhmay.

Hadaba, si aynu u gudano Waajibaadkeena yo hawlaha faraha badan ee inoo qorshaysan kal-fadhigan darteed waxaan halkan idiinku soo gudbinaynaa wax-qabadkii kal-fadhigii 6^{aad} ee Golaha iyo wixii kale ee hawlo ah ama dhacdooyin ahaa ee mudaddii fasaxa ee ka dambeysay kal-fadhigaas.

Xeer-dejinta dalku waxay ka mid tahay Saddexda tiir ee Qaranku ku qotomo, sida ku cad Dastuurka Jamhuuriyada Somaliland, kuwaas oo kala ah Xukuumada (Executive), Garsoorka (Judiciary) iyo Xeer-dejinta (Legislation).

Golaha wakiilladu waa mid ka mida ah labada aqal ee Baarlamaanka Somaliland ka kooban yahay, kuwaas oo kala ah (Guurtida iyo Golaha Wakiillada) oo marka la isku darro loogu yeedho Xeer-dejin ama Baarlamaan. Golahan Wakiillada ee la soo doortay 31 May 2021 waa Golihii labaad ee ku yimaada qaab doorasho toos ah, waana Golihii 5^{aad} (afraad) oo ay ka horeeyeen afar gole, saddexda gole ee kale waxay ku yimaadeen hab-beeleed (xulasho). Afartaas Gole ee Golahan ka horeeyay waxay kala ahaayeen: -

- Golihii Wakiillada ee lagu soo doortay shirweynihii Burco **1991 - 1993** kana koobnaa **(111)** xubnood.
- Golihii Wakiillada ee lagu soo doortay Shir-weynihii Beelaha Boorama **1993-1997** kana koobnaa **(75)** xubnood.
- Golihii wakiillada ee lagu soo doortay Shir-weynihii Beelaha Hargeysa **1997-2005** kana koobnaa **(82)** xubnood.
- Golihii wakiilada ugu horeeyay shacabku si toos ah u soo doorto September 2005kii, **2005-2021** kana koobnaa **(82)** xubnood.

Golaha Wakiillada waajibaadkooda, tilmaamtooda Guud iyo Awoodoodu waa Xubno ka wakiil ah dadweynaha, waana qeybta 1^{aad} ee Xeer-dejinta iyo ogolaanshaha iyo Illaalinta Siyaasada Guud ee dalka lagu hagayo iyo sidoo kale ansixinta heshiisyada dawliga ah ee ay ka mid yihiin kuwa siyaasadeed, dhaqaale iyo nabadgelyo ama kuwa keenaya culays maaliyadeed oo cusub oo aan ku soo aroorin miisaaniyadda, ama keenaya soo saarid ama wax-ka beddelid qaanuun iyo sidoo kale Ansixinta Wixii Maaliyad khuseeya oo ka mid yihiin ansixinta Miisaaniyada, Ogolaanshaha Cashuuraha, Assaasida Keydka Dhakhliga Somaliland, Daabacada Lacagta iyo habeynta nidaamyada dhaqaale iyo kuwa lacageed, Sida ku cad Qodobka 39^{aad}, Qodobka 53^{aad}, Qodobka 54^{aad} iyo Qodobka 55^{aad} ee Dastuurka Jamhuuriyada Somaliland.

Qaab-dhismeed-ka guud ee uu Golaha Wakiiladu leeyahay waxa u dheer inuu leeyahay Guddiyo u kala xilsaaran hawlo iyo shaqooyin kala duwan, waxanay ka kooban yihiin 10 Guddi Sida ku cad Xeer-hoosaadka Golaha Xeer Lr. 01/2021. Goluhu wuxuu yeeshay kal-fadhigii 6aad mudaddii u dhexaysay 23 July 2023 illaa 06 December 2023, kal-fadhigaas oo ahaa kal-fadhigii 6aad horeeyay ee Golahan 5aad ee Wakiillada Somaliland. Hadaba warbixintan waxaynu ku soo koobaynaa Wax-qabadkii Golaha ee Kal-fadhigaas 6aad iyo mudaddii fasaxa ee ka dambeysay wixii uu qabtay.

DOORASHADII GUDOOMIYAHA GOLAHA WAKIILLADA

23 July 2023 waxa si rasmiya u furmay kal-fadhigii 6aad ee Golaha Wakiillada 5aad ee Somaliland, waxa fadhigii ugu horeeyay Goluhu ku doortay Gudoomiyaha Golaha Wakiillada **Md. Yaasiin Maxamuud Xiir (Faratoon)**, loo lankna kursiga Gudoomiyaha ayay ku tartameen labada Xildhibaan ee kala ah **Md. Maxamed Khadar Daahir** iyo **Md. Yaasiin Maxamuud Xiir (Faratoon)**, fadhigan oo ay ka soo xadireen 82 Mudane.

Fadhigan oo Gudoomiye ku-xigeenka 1aad Md. Siciid Mire Faarax Gudoomiyanayay, waxa 46 cod helay Md. Yaasiin Maxamuud, halka Md. Maxamed Khadaahir uu ka helay 35 Cod, waxaana sidaas Gudoomiyaha Golaha Wakiillada 5aad ee Somaliland ku noqday **Md. Yaasiin Maxamuud Xiir (Faratoon)**.



Wuxuu Gudoomiyaha cusub uu si rasmiy xilka u la wareegay **02 August** xaflad lagu qabtay Xarunta Golaha oo ay ka soo qayb-galeen M/weyne ku-xigeenka Xukuumada Md. C/raxmaan C/laahi Ismaciil Saylici, Gudoomiyaha Golaha Guurtida Md. Saleebaan Maxamuud Adam, Wasiiro, Xildhibaan, Madaxda saddexda Xisbi Qaran, Maayarka Caasimada iyo Masuuliyiin kale.

WAX-QABADKA KAL-FADHIGII 6^{AAD}

Wax-qabadka Kal-fadhigii 6^{aad} ee Golaha Wakiillada

- | | |
|--|----------------|
| 1. Fadhiyadii Golaweynaha ee Kal-fadhigii 6 ^{aad} | 19 Fadhi |
| 2. Kulamadii Gudiyada Golaha Wakiiladu yeesheeyn | 24 Kulan |
| 3. Isugaynta Fadhiyada iyo Kulamadii Gudiyada | 43 Fadhi/kulan |

Warbixinadii Golewaynaha laga hor akhiraayay

Taariikhda	Nooca Warbixinta	Cidii akhridey
14/08/2023	Soo jeedinta Mooshinka Curinta Xeerka Gudidda Imtixaanada Qaranka	Md. Maxamed Khadar Daahi
02/09/2023	Warbixinta Hanti-dhawraha Guud ee Qaranka ee Xisaab Xidhka Sannadkii 2022	Mr. Axmed Yuusuf Daahir
02/09/2023	Soo Jeedintii Madaxweynaha ee ansixinta Go'aankii Guidda Khilaafaadka ee H/jeclo iyo Waafajinta Xeerka Doorashooyinka	Mr. C/risaaq Siciid Ayaanle Xoghayaha Guud
04/09/2023	Warbixinta Gudidda Arrimaha Gudaha ee Xeerka Ciidanka Qaranka	Md. Axmed Yuusuf Nuur Gurruje Gudoomiyaha Gudidda.
17/09/2023	Warbixinta Gudidda Arrimaha Gudaha ee Xeerka Ciidanka Dab-damiska	Md. Axmed Yuusuf Nuur Gurruje Gudoomiyaha Gudidda.
30/09/2023	Warbixinta Gudidda Gaarka ah ee Xeerarka Doorashooyinka, Xeer Lr. 91 iyo Xeer Lr. 14	Md. C/naasir Yuusuf Qodax Gudoomiyaha Gudida Gaarka ah

Waxyaabihii Goluhu ka dooday

No	Mawduuca Doodda	Taariikhda
1.	Ajandaha Kal-fadhiga 6aad	06/08/2023
2.	Qiimaynta Xaalada Guud ee Dalka	14/08/2023
3.	Xeerka Ciidanka Qaranka	09 iyo 16/09/2023
4.	Xeerka Ciidanka Dab-damiska	02/10/2023

Xeerarka Goluhu Ansixiyay

No	Mashruuc Sharciga la Ansixiyay	Taariikhda
5.	Wax-ka-beddelka Xeerka Nidaamka Ururada Iyo Axaabta Siyaasadda Xeer Lr. 14/2023.	30/09/2023
6.	Wax-ka-beddelka iyo Kaabista Xeerka Guud ee Doorashiiyinka iyo Cod-bixiyayaasha Xeer Lr. 91/2023.	30/09/2023

Masuuliyiintii Qaran ee Xilalkooda Goluhu Ansixiyay

N	Magaca Masuulka	Xilka	Taariikhda
1.	Md. Cabdi Cismaan Dhagaweyne	Wasiirka Wasaarada Maal-gashiga iyo Warshadaha Somaliland	23/09/2023

2.	Md. Cabdiraxmaan Maxamed Cabdilaahi	Gudoomiye ku Xigeenka Baanka Somaliland.	23/09/2023
3.	Md. Cali Cumar Maxamed (Cali-Xoor-xoor)	Wasiirka Wasaarada Shaqo-galinta Arrimaha Bulshada iyo Qoyska Jsl.	30/09/2023

Mashaariicda Sharci ee Golaha horyaal

B. Mashaariicda ee Gudiyaddu gacanta ku hayaan

N o	Magaca Xeerka	Gudidda gacanta ku heysa
1.	Mashruuc Sharciga Dakhliga Shidaalka	Gudiddda Deegaanka iyo Kh. Dabiiciga ah
2.	Mashruuc Sharciga Aasaaska Wakaalada Madbacada Qaranka	Gudiddda Dhaqaalah, M. iyo Ganacsiga
3.	Mashruuc Sharciga Jidaynta kabka H. Gobolada Barri iyo Nidaaminta Cashuuraha Dawladda dhexe u qabato dawladda hoose	Gudiddda Dhaqaalah, M. iyo Ganacsiga
4.	Wax ka badelka iyo Kaabista Xeerka Duulista Hawada	Gudiddda Hawlaha Guud
5.	Mashruuc Sharciga Aasaaska Kaydka Haamaha Shidaalka	Gudiddda Dhaqaalah, M. iyo Ganacsiga
6.	Xeerka Amniga Technology-yada iyo Dambiyada Technology-yada Casriga ah	Gudiddda Hawlaha Guud
7.	Xeerka Illaalinta Xogta Electronics-ka ah	Gudiddda Hawlaha Guud
8.	Xeerka Hawl-gabka iyo Xaqsiinta Shaqaalaha Dawlada	Gudiddda Arrimaha Bulshada
9.	Wax ka badelka iyo Kaabista Xeerka Wada-marita Gaadiidka	Gudiddda Hawlaha Guud
10.	Xeerka Xafiiska Imtixinaadka Qaranka	Gudiddda Arrimaha Bulshada
11.	Xeerka Nidaamka Garsoorka Ciidamada	Gudiddda Arrimaha Gudaha

T. Xeerarka Gole Waynaha Horyaal

1.	Wax ka badelka Xeerka Maamulka Maaliyada	Golewaynaha
2.	Xeerka Ciidamada Qaranka	Golewaynaha
3.	Xeerka Ciidanka Dab-demiska	Golewaynaha

J. Xeerarka Guurtida ku maqan

1.	Wax ka badelka Xeerka Doorashooyinka Guud iyo Cod-bixiyayaasha	Golaha Guurtida
2.	Wax ka badelka Xeerka Nidaamka Ururada Siyaasadda	Golaha Guurtida

GO'AAMADII GOLUHU GAADHAY

Kal-fadhigii 6aad intii lagu jiray Goluhu wuxuu sameeyay go'aan ansixineed oo gacan taag 11 jeer, go'aanadaas oo uu ku ansixiyay Xeerar, masuuliyiin qaran, Mooshino, qaraaro iyo meel marinta Ajandihii kal-fadhigaas, 11 kaas go'aana waxay kala ahaayeen: -

Taariikh	Mawduuca Go'aanka la Ansixiyay	Codaynta			
		M. Ogol	M. Diiday	M. Aamus	T. Guud
07/08/2023	Ansixinta Ajandaha Kal-fadhiga 6aad ee Golaha Wakiillada.	40	5	7	53
14/08/2023	Ansixinta Mooshinka Xafiiska Imtixaanaadka qaranka oo ku saabsan wax-ka-beddel Xeerka Wax-barashada Jsl.	36	2	7	
22/08/2023	Diidmada Wasiirka Wasaarada Shaqo-galinta, Arrimaha Bulshada iyo Qoyska Mr. Cali Cumar Maxamed (Cali-xoor-xoor)	6	30	9	46
02/09/2023	Ansixinta Wareegtada Soo-jeedinta Madaxweynaha ee Is-waafajinta Soo-jeedinta Odayaasha Dhaqanka iyo Xeerarka Doorashooyinka.	45	2	0	47
23/09/2023	Md. Cabdi Cismaan Dhagaweyne Wasiirka Wasaarada Maal-gashiga iyo Warshadaha Somaliland	61	0	0	62
23/09/2023	Md. Cabdiraxmaan Maxamed Cabdilaahi Gudoomiye ku Xigeenka Baanka Somaliland.	61	0	0	62
23/09/2023	Ansixinta, kordhin Fadhi mudo 2-ba todobaad ah, kana bilaabmayso 24 – 08- 2023 ilaa 07- 09- 2023-ka	43	1	1	46
30/09/2023	Md. Cali Cumar Maxamed (Cali-Xoor-xoor) Wasiirka Wasaarada Shaqo-galinta Arrimaha Bulshada iyo Qoyska Jsl.	73	0	0	74
30/09/2023	Golaha Wakiilladu waxa ay Qaraan Gole Ku soo saareen Soo-jeedinta Mudanayaasha Gobolka Awadal oo cod loo qaaday	73	0	0	74
30/09/2023	Wax-ka-beddelka Xeerka Nidaamka Ururada Iyo Axsabta Siyaasadda Xeer Lr. 14/2023.	65	0	9	75
30/09/2023	Ansixinta wax-ka-beddelka iyo Kaabista Xeerka Guud ee Doorashiyinka iyo Cod-bixiyayaasha Xeer Lr. 91/2023.	63	2	9	75

WAX-QABADKA GUDDIYADA GOLAHA

Gudiddayada Golaha Wakiiladu waxay ka kooban yihiin 10 Guddi oo kala ah.

1. Gudidda Joogtada iyo Anshaxa.
2. Gudidda Dhaqaalaha, Ganacsiga iyo Maaliyada.
3. Gudidda Deegaanka, Kheyraadka Dabiiciga, wax soo saarka iyo Tamarta
4. Gudidda Arrimaha Bulshada
5. Gudidda Arrimaha Shareecada, Dhaqanka iyo Qoyska
6. Gudidda Dastuurka, Garsoorka Cadaalada iyo Xuquuqal Insaanka.
7. Gudidda Arrimaha Dibada, Iskaashida Caalamiga iyo Qorshaynta iyo Maal-gashiga
8. Gudidda Arrimaha Gudaha, Nabadgelyada iyo Difaaca
9. Gudidda Hawlaha Guud, Gaadiidka iyo Technologyada
10. Gudidda ilaalinta iyo Dabagalka Hantida Qaranka.

Gudiyada Golaha wakiiladdu iyagoo Gudanaya Waajibaadkooda uu Dastuurka iyo Xeer-hoosaadka Golaha Wakiilada siiyay, waxay qaybtaan shaqooyinka ugu mihiimsan golaha wakiilada, iyada oo gudi wal u qaabilsan shaqooyin gaar ah Golaha.

Sidaa darteed waxay Golaha uga soo war bixiyaan Ansixintooda Masuuliyiinta ay soo magacawdo Xukuumada markaa joogtaa iyo Hay'adaha Madaxa Banaan. Hadaba, iyadoo Gudi waliba Warbixineeda Golaha ka hor akhrin doonta waxaan halkan idinku soo gudbinaynaa wax qabadkoodii Gudiyada oo kooban.

1. Gudidda Joogtada iyo Anshaxa

Guddida joogtada iyo Ashaxu iyada oo Gudanaysa waajibaadkeeda iyo Awoodaha uu siiyay Xeer-hoosaadka Golaha Wakiilada Waxa ay Guddidu muddadii fasaxa ay qabatay shaqooyin iyadoo kulamo la yeelatay Masuuliyiin kala duwan. Hadaba wax-qabadkii Guddida oo kooban waxa uu ahaa sidan:-

- **21 October 2023** Guddida Joogtada iyo Anshaxu Waxay Dooratay Gudoomiyaha Guddidaas, waxayna Gudoomiye u doorteen Md. Faysal Yuusuf Jaamac.

Kulamadii Guddidu la Yeelatay Masuuliyiinta Qaran

- **01/12/2023** Gudoomiyaha Bangiga Dhexe ee Somaliland

2. Gudidda Deegaanka iyo Kh. Dabiiciga ah, Wax soo-sarka iyo Tamarta

Guddida Deegaanku iyagoo Gudanaya Waajibaadka iyo Awoodeheeda ku qeexan Xeer hoosaadka Golaha Wakiilada waxyaabihii Guddidu qabatay Kal-fadhigii 6aad iyo muddadii ka dambeysay waxa ka mid ahaa:-

3. Gudidda Ilaalinta iyo Daba-galka Hantida Qaranka

Guddida Ilaalinta iyo Daryeelka Hantida Qaranka oo Gudanaysa Waajibaadkeeda waxyaabihii u qabsoomay Kal-fadhigii 6aad iyo muddadii ka dambeysay waxa ka mid ahaa:-

- **16/11/2023** Guddida Ilaalinta iyo Dabagalka Hantida Qaranku waxay kulan xog-waraysi ah la yeelatay Wasiirka Wasaarada Maaliyada Md. Sacad Cali Shire.
- Gudiddau oo Gacanta ku haysa **Xisaab-xidhka Miisaaniyadii 2022kii** waxay yeelatay Kulamo dhawr ah oo ay ku lafa-gurayso Xisaab xidhkaas.

4. Guddida Arimaha Bulshad

Guddida Arrimaha Bulshadu oo Gudanaysa Waajibaadkeeda shaqo waxyaabihii u qabsoomay Kal-fadhigii 6aad iyo muddadii ka dambeysay waxa ka mid ahaa:-

Kulamadii Guddidi la Yeelatay Masuuliyiinta Qaranka

Kulamada Cabashada Dadweynaha

Masuuliyiintii ee ay Golewaynaha uga soo tala-bixisay Ansixintooda.

- **23/09/2023** waxay ka soo tala-bixisay in Xilka loo ansixiyo **Md. Cali Cumar Maxamed (Cali-Xoor-xoor)** Wasiirka Wasaarada Shaqo-galinta Arrimaha Bulshada iyo Qoyska Jsl.

5. Guddida Dastuurka, Garsoorka Cadaalada iyo Xuquuqal Insaanka

Guddida Garsoorka iyo Cadaaladu oo Gudanaysa Xilka iyo Waajibaadkeeda shaqo waxyaabihii u qabsoomay Kal-fadhigii 6aad iyo muddadii ka dambeysay waxa ka mid ahaa:-

Kulamadii Guddidi la Yeelatay Masuuliyiinta Qaranka

- **20/09/2023**, Gudiddu waxay kulan la yeelatay Madax Sare oo ka socotay Hay'adda Laan-qayrta Cas (ICRC)
- **04/10/2023**, Gudida Garsoorku waxay kulan la yeelatay Xubnaha Cusub ee Komishanka Xuquuqal Insaanka
- **14/12/2023**, Guddida Garsoorka iyo Cadaalada ee Golaha Wakiiladu waxay Kulan la yeelatay Masuuliyiin ka socday Safaarada Ingriiska ee Somaliland

Kormeeradii Gudidda

- **07-09 September 2023** Waxay Gudidda Garsoorka, Cadaalada iyo Xuquuqal Insaanku kormeer shaqo tagtay Gobolka Tog-dheer

6. Guddida Dhaqaalaha, Ganacsiga iyo Maaliyada

Guddida Dhaqaalaha, Maaliyada iyo Ganacsiga oo Gudanaysa Waajibaadkeeda Shaqo, waxa shaqooyinkii ay qabatay Kal-fadhigii 6aad iyo muddadii ka dambeysay ka mid ahaa:-

Kulamadii Gudidda la Yeelatay Masuuliyiinta Qaranka

- **26/09/2023**, Wasiirka Wasaarada Maaliyada iyo Masuuliyiin ka tirsan Wasaaradaas.
 - **Kormeeradii Gudidda**
- **15-12-2023** Waxay Gudidda Dhaqaaluhu Kormeer shaqo ku tagtay Xarnunta Bangiga Dhexe ee Somaliland.

Masuuliyiintii Qaran ee ay Golewaynaha uga soo tala-bixisay.

- **23/09/2022** waxay ka soo talo-bixisay in Xilka loo ansixiyo **Md. Cabdiraxmaan Maxamed Cabdilaahi** Gudoomiye ku-xigeenka Bangiga Dhexe

7. Guddida Arrimaha Shareecada, Dhaqanka iyo Qoyska.

Guddida Arrimaha Shareecada, Dhaqanka iyo Qoyska oo Gudanaysa Waajibaadkeeda Shaqo, waxa shaqooyinkii ay qabatay Kal-fadhigii 6aad iyo muddadii ka dambeysay ka mid ahaa:-

Kulamadii Gudidu laYeelatay Masuuliyiinta Qaranka

8. Guddida Arrimaha Gudaha, Nabadgalyada iyo Difaaca

Guddiga Arrimaha Gudaha, Nabadgalyada iyo Difaaca iyada oo Gudanaysa Waajibaadkeeda Shaqo, waxa shaqooyinkii ay qabatay Kal-fadhigii 6aad iyo muddadii ka dambeysay ka mid ahaa:-

Kulamadii Dadweyne (Hearings) ee Gudiddu qabatay

- **22/09/2023** Waxay Guddida Arrimaha Guduhu kulan dadweyne (Legislative hearing) u qabatay Xeerka Ciidanka Qaranka oo Gudiddaas gacanta ku haysay, isla markaana uu ka soo qayb-galay Taliyaha Ciidanka Dab-damisku.
- **22/09/2023** Waxay Guddida Arrimaha Guduhu kulan dadweyne (Legislative hearing) u qabatay Xeerka Ciidank Dab-damiska oo Gudiddaas gacanta ku haysay, isla markaana uu ka soo qayb-galay Taliyaha Ciidanka Dab-damisku.

Xeerarkii ay Golaha Waynahah u soo gudbisay

- **04/09/2023** Waxay Golewaynaha u soo gudbisay Xeerka Ciidanka Qaranka oo Gudiddu ka soo shaqaysay.
- **17/09/2023** Waxay Golewaynaha u soo gudbisay Xeerka Ciidanka Dab-damiska oo Gudiddu ka soo shaqaysay.

9. Guddida Arr. Dibadda, I. Caalamiga ah, Qorshaynta iyo Maal-gashiga

Guddiga Siyaasadda Arrimaha Dibadda, Iskaashiga caalamiga ah, Qorshaynta Qaranka Iyo Maalgashiga iyaga oo Gudanaysa Waajibaadkeeda Shaqo, waxa shaqooyinkii ay qabatay Kal-fadhigii 6aad iyo muddadii ka dambeysay ka mid ahaa:-

Kulamadii Gudiddu la Yeelatay Masuuliyiinta Qaranka

- **20/09/2023** Waxay Gudiddu kulan la yeelatay Wasiirka Wasaarada Maal-gashiga iyo Warshadaha **Md. Cabdi Cismaan Dhagaweyne**

- **20/11/2023** Waxay Gudiddu kulan la yeelatay Xildhibaanada ka tirsan Baarlamaanka Dalka Sweden oo dalka booqasho ku joogay

Masuuliyiintii ee ay Golewaynaha uga soo tala-bixisay Ansixintooda.

- **23/09/2023** waxay ka soo tala-bixisay in Xilka loo ansixiyo **Md. Cabdi Cismaan Dhagaweyne** Wasiirka Wasaarada Maal-gashiga iyo Warshadaha

10. Guddida Hawlaha Guud, Gaadiidka, Guryaynta iyo Technology-ga

Guddida Hawlaha Guud, Gaadiidka Guryeynta & Technology-da, iyaga oo Gudanaysa Waajibaadkeeda Shaqo, waxa shaqooyinkii ay qabatay Kal-fadhigii 6aad iyo muddadii ka dambeysay ka mid ahaa:-

- **01 November 2023** Gudidda Hawlaha Guud, Gaadiidka iyo Technology-ga waxay kulan dadweyne (Legislative hearing) u qabatay laba Xeer oo qaybyo-qoraalkoodu Gudiddu Gacanta ku hayso kuwaaas oo kala ah (1) Xeerka Amaanka iyo Dambiyada Technology-da iyo (2) Xeerka Illaalinta Xogaha Electronic-ga ah

Kulamadii Xog-wareysi ee Gudiddu la Yeelatay Masuuliyiinta Qaranka

- **05/10/2022** Talyaha Ciidanka Dab-damiska

Gudiyadii Gaarka ahaa ee Kal-fadhigii 6aad Gudoomiyuhu magacaabay.

Intii lagu jiray Kal-fadhigii 6aad waxa Goluhu saaray laba Gudi gaar ahaaneed (Ad hoc committee) loo xilsaaray hawlo gaar ah, waxayna kala ahaayeen:-

1. Gudidda gaarka ah ee loo saaray soo naaqishida Aassaaska mashruuc sharciga Ciidanka Qaranka.
2. Gudidda gaarka ah ee loo xilsaaray isa soo waafajinta Xeerarka Doorashooyinka iyo go'aankii Gudidda Khilaafaadka Siyaasada dalku soo saaraan.

Gudiddii Gaarka ahay ee Is-waafajinta Xeerarka Doorashooyinka iyo Go'aankii Gudidda Khilaafaadka Siyaasada Dalku soo saareen.

Gudidda oo Gudoomiyuhu magacaabay **04 September**, waxay kulamadoodii ugu horeeyay ku dooratay Gudoomiye iyo ku-xigeen, isla markaana ku dejisay qorshe-hawleedka iyo hab-raaca ay ku shaqayn doonto. Intaas ka dibn, Gudiddu waxay guda-gashay hwareheedii shaqo waxayna 15 kulan oo kala duwan la yeelatay hay'addaha iyo qaybaha arrimaha bulshada si ay uga hesho tallooyin iyo xogo ay ku saleeyaan hawsha loo xilsaaray gaar ahaan Xeerarka Doorashooyinka khuseeya ee Xeer Lr. 91/2020 iyo Xeer Lr. 14/2011.

Gudidda oo ay waheliyaan labada Garyaqaan ee la shaqaynayay **Mr. Guulleed Dafac iyo Mr. Khadar** waxay guda-gashay labada Xeer doorasho ee Xeerka Doorashooyinka Guud iyo Cod-bixiyayaasha Xeer Lr. 91/2020 iyo Xeerka Ururada iyo Axsabta Siyaasada Xeer Lr. 14/2011.

Waxay Gudiddu xeerarkaas ku dabaqday waxyaabihii uga soo baxay kulamadii wada-tashi ee ay la yeelatay Hay'addaha Dawlada, xubnihii hore KDAQ iyo Gudidda Diiwaangalinta Ururada iyo qaybaha kala duwan ee Ururada Arrimaha Bulshada. Waxayna ugu dambeyn Golaha ku soo celisay labadaas xeer oo warbixin dheer ka siisay shaqadii ay ka asoo qabteen **30 September 2023**, iyadoo Goluhu cod aqlabiyad ah 2/3 ah ku ansixiyay labadaas oo u gudbay Golaha Guurtida.

Tababaradii iyo Aqoon-korodhsiiyadii

- **18 October 2023**, Gudoomiye ku-xigeenka 1^{aad} ee Golaha **Md. Siciid Mire Faarax** (Giire) ayaa furay kulan aqoon is-waydaarsi laba maalmood socday oo loo qabtay Mudanayaasha labada Gole ee Baarlamaanka iyo Shaqaalaha kaas oo lagu lafa-gurayay laba qodob oo kala ahaa
 - Xidhiidhka ka dhexeeya waaxda fullinta iyo waaxda sharci-dejinta ee nidaamka dawladeed ee leh habka madaxtooyada (presidential system), iyada oo si qoto dheer loo dersay dalalka caalamku sida ay u shaqeeyaan iyo wadashaqaynta Dalkeena dastuurka Somaliland dhigayo.
 - Hababka lagu xalliyo khilaafyada ka dhasha geedi-socodka sharci samaynta ee dalalka leh Baarlamaanka ka kooban labada aqal.
- **23 August 2023**, Tababar aqoon korodhsi ah aaya loo qabtay Xoghaymaha Gudiyadda Golaha, Tababarkaas oo socday laba maalmood wuxuu ku sabaasan shaqada Xoghaymaha Gudiyada iyo sida loo qabto
- **23 July 2022** waxa Xildhibaanada Golaha Wakiilada loo qabtay kulan aqoon iswaydaarsi, kulankaas oo uu furay Gudoomiyaha Golaha **Md. Cabdirisaaq Khaliif Axmed**, kulankaas aqoon korodhsiga ah waxa soo qaban qaabisay Hay'adda UNDP wuxuu ku saabsanaa shaqada iyo waajibaadyada Golaha Wakiilada, kulankaas oo socday mudo laba maalmood ah wuxuu ka dhacay Hotel Casood ee Magaalada Hargeysa.

Golaha oo Wasaarada Xidh. Goleyaasha kala wareegay 300 Buug oo Dastuurka ah.

02 August 2023 Golaha Wakiilada Jamhuuriyada Somaliland ayaa maanta Kala wareegay Wasaaradda Xidhiidhka Goleyaasha iyo Arrimaha Dastuurka Somaliland 300 oo buug oo Dastuurka JSL ah.

Agaasimaha Guud ee Wasaarada Marwo Deeqa Cabdi Yuusuf oo ay la socdaan saraakiil wasaarada ka socday ayaa Xoghayaha guud ee Golaha Cabdirisaaq Siciid Ayaanle gacanta ka saaray 300 oo nuqul oo Buugtaas Dastuurka.

SAFARADII DALKA DIBADDIISA

➤ Waftigii Gud. Ku-xigeenka 2aad ee Golahu Hogaaminayay ee UK.

- **22 November 2023**, Wafti Xildhibaan ah oo hogaaminayay Gudoomiye ku-xigeenka 2aad ee Golaha Md. Cali Xaamud Jibriil ayaa Xafiiskiisa Dhismaha Baarlamaanka UK kulan kula yeeshay Sir/Xildh. Gavin Williamson oo ka tirsan Mudanaaya Golaha Wakiiladda UK.

Kulankan oo ahaa mid aad u Muhiimsan ayaa Labada dhinac Waxay iska Waraysteen Xaaladaha guud ee Labada Dal, Doorashooyinka Labada dhinac ee Sanadka Dambe “Doorashooyinka S/land & Doorashooyinka Baarlamaanka ee Dalkan UK oo ku Beegan Sanadka Dambe”; Waxaana la isla Meel-dhigay sidii Loogu Diyaar-garoobi lahaa Doorashooyinkaas.



Waftigii Xildhibaan uu Gudoomiye ku-xigeenka 2aad oo ku sugan Xarunta Baarlamaanka Britain

Labada Dhinaca waxa kale oo ay ka wada hadleen Xaaladaha Amniga Badda Cas, Dimoqraadiyadda, Dowlad-wanaaga & Xoojinta Xidhiidhka Labada Gole ee Somaliland & UK; Kulankan oo ku soo dhamaaday isfaham Buuxa ayay Labada dhinac ku kala qaateen Shaqooyin u Baahan Dabagal iyo ka Midho-dhalin.

- **13 December 2023**, Weftigii Golaha Wakiilada Somaliland ee uu hogaaminayay Mudane Cali Xaamud Gudoomiye ku-xigeenka 2aad oo ay wehelinayeen Xildhibaan Jaamac Aboker Dub, Mudane Cabdikariim Cabdi Aadan oo ah La-taliye Sare oo Wasaaradda Xidhiidhka Goleyaasha iyo Arrimaha Dastuurka ka tirsan, Mudane Axmed Xasan Carwo, La-taliyihii hore ee Madaxweynaha

Somaliland iyo Prof. Ibraahim Carab Jaamac, Maareeye ku-xigeenkii hore ee Jaaliyadda Somaliland ayaa kulan la qaatay Xildhibaanada Baarlamaanka Wales oo uu wakiil ka yahay Mudane. **John Griffiths**, Mudane. Rhun ap Iorwerth iyo Shaqaalahooda Sare ee Baarlamaanka Wales.



Waftigii Gudoomiye ku-xigeenka Zaad hogaaminayay Xubno ka tirsan Baarlamaanka Wales

WUFUUDIHII IYO MADAXDII KALE EE GOLUHU LA KULMAY

➤ Wafti ka socday Denmark oo Gudoomiyaha Goluhu la kulmay

7 December 2023 Gudoomiyaha Golaha Md Prof. Yaasiin Maxamuud Xiir (Faratoon) ayaa maanta Xarunta Golaha Wakiilada ku qaabilay Ku-Xigeenka Safiirka Denmark ee Somaliland iyo Somalia Ms. Gertrud iyo Madaxa Xafiiska Denmark ee Somaliland Md Mathias.

Sidoo kale waxay safiiradu kulan la yeelatay Gudoomiyaha Gudida Diinta iyo Arimaha Qoyska, kulamadan ayaa waxa isaguna kala qayb galay Xoghayaha Guud ee golaha Wakiilladda JSL Md Cabdirisaaq Siciid Ayaanle.

➤ Wafti Saraakiil ka tirsan Xafiisak Dawlada Ingiriiska ee Somaliland

11 September 2023 Gudoomiyaha Golaha Md Prof. Yaasiin Maxamuud Xiir (Faratoon) ayaa Xafiiskiisa ku qaabilay Guddida Arrimaha Gudaha Amniga iyo Difaaca iyo Saraakiil sare oo ka socotay Xafiiska Dawladda Ingiriiska (UK) Ee Somaliland. Xafiiska Dawladda Ingiriiska (UK) ee Somaliland ayaa Guddida Arrimaha Gudaha iyo Golaha Wakiilladda JSL la leh wada Shaqayn buuxda.



Kulankii Gudoomiyaha Golaha iyo Guddida Arrimaha Gudaha la yeeshen saraakiisha Xafiiska Ingiriiska Somaliland

01 August 2023 ayay Shir-gudoonka labada aqal ee Baarlamaanka Somaliland (Golaha Wakiilada iyo Guurtida) Xarunta Baarlamaanka kulan wada jira kula qaateem Xildhibaan Sir Gavin Williamson oo ka tirsan aqalka Baarlamaanka (House of Commons) ee dalka Ingiriiska horena u ahaa Wasiir, isla markaana mudooyinkii u

danbeeyey qayb weyn ka ahaa ololaha loogu jiro in Jamhuuriyada Somaliland dunidu aqoonsato.

Kulankan ayay shir-gudoonku uga mahadnaqeen kuna maamuuseen abaalmarino dedaaladaas uu qadiyada Somaliland ugu jiro isla markaana waxay ku dhiiri-geliyeen sii dardar-gelinta ololahaas oo ay bulshada Reer Somaliland abaal weyn arintan ugu hayso, baal dahabana uu ka gelayo taariikhda Dalka Somaliland.



Shir-gudoonka labada Gole ee Baarlamaanka oo Xildhibaan Sir Gavin Williamson ku qaabilaya Golaha

Sir Gavin Williamson ayaa isna dhankiisa uga mahadnaqay soo dhawaynta diiran ee lagu qaabilay laguna soo dhaweeyey, waxaanay labada dhinac aad isula naaqisheen sii wadista iyo xoojinta dedaalka aqoonsi raadinta Somaliland.

Sidoo kale 03 August wuxuu Xildhibaan Gavin Williamson hadal ka jeediyay Fadhiga Golaha Wakiillada, khudbadaas oo uu kaga hadlay arrimo fara-badan oo ku saabsan dedaalka ku raadinayo si Somaliland loo aqoonsan lahaa caqabadiihii uu la kulmay iyo siyaasada la gudboon Dawlada Somaliland.

C/risaaq Siciid Ayaanle Xoghayaha Guud ee Golaha Wakiillada JSL
